

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-22907/24  
Sarajevo, 21.10.2024. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku, Općinski načelnik donosi:

## ODLUKU

### I

Prihvata se ponuda grupe ponuđača „Ted invest“ d.o.o. Sarajevo i „Orman“ d.o.o. Kiseljak sa ponuđenom cijenom za ugovor u iznosu od 55.292,16 KM bez PDV-a, odnosno 64.691,83 KM sa PDV-om u predmetu pregovaračkog postupka bez objave obavještenja o nabavci - „Izvođenje dodatnih radova na izgradnji vodovodne mreže u ulici Ferida Srnje po Ugovoru br. 1 zaključenom na osnovu okvirnog sporazuma 02/12-19-11423/22“.

### II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

## Obrazloženje

Služba za investicije i komunalne poslove aktom br. 02/08-19-21328/22 od 03.9.2024. godine podnijela zahtjev za pokretanje procedure pregovaračkog postupka za izvođenje dodatnih radova na izgradnji vodovodne mreže u ulici Ferida Srnje po Ugovoru br. 1 zaključenom na osnovu okvirnog sporazuma 02/12-19-11423/22, a jer je stručni nadzor ispred krajnjeg korisnika KJKP „Vodovod i kanalizacija“ d.o.o. Sarajevo konstatovao problem bespravnih priključaka na staru vodovodnu mrežu, te tražio da se blindira stara vodovodna mreža i korisnici prebace na novu vodovodnu mrežu što je podrazumijevalo produženje vodovodne mreže u kraku ulice Ferida Srnje i Sulejmana Pačariz Hodže, a na šta je stručno-tehnički nadzor Zavod za izgradnju Kantona Sarajevo dostavio saglasnost broj 03-45-8326/24 od 03.9.2024. godine gdje se konstatuje da je nadzorni inženjer saglasan sa opisom datih pozicija i količina, te da su navedeni radovi neophodni i neodvojivi od osnovnog ugovora radi uspostave jedne tehničke cjeline u vodosnabdijevanju.

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-22907/24 od 24.9.2024. godine - „Izvođenje dodatnih radova na izgradnji vodovodne mreže u ulici Ferida Srnje po Ugovoru br. 1 zaključenom na osnovu okvirnog sporazuma 02/12-19-11423/22“. Procijenjena vrijednost nabavke shodno Odluci iznosi 55.555,55 KM bez PDV-a. Služba za zajedničke poslove je potom uputila poziv za učešće u pregovaračkom postupku broj 02/12-19-22907/24 od 24.9.2024. godine grupi ponuđača „Ted invest“ d.o.o. Sarajevo i „Orman“ d.o.o. Kiseljak.

Zapisnikom o otvaranju ponuda od 01.10.2024. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda grupe ponuđača: „Ted invest“ d.o.o. Sarajevo i „Orman“ d.o.o. Kiseljak.

Komisija je izvršila analizu dostavljene inicijalne ponude br. 03-24/24 od 30.9.2024. godine i utvrdila da ispunjava formalno-pravne uslove utvrđene pozivnim pismom, te je nakon izvršene analize jediničnih cijena od strane stručnih tehničkih lica komisije pristupljeno postupku pregovaranja sa predstavnikom ponuđača.

Ponuđač je u ostavljenom roku putem protokola dostavio konačnu ponudu br. 03-42-b/24 od 03.10.2024. godine sa ponuđenom cijenom za ugovor u iznosu od 55.292,16 KM bez PDV-a, odnosno 64.691,83 KM sa PDV-om. Komisija je izvršila računsku kontrolu ponude i konstatovala da nije bilo računске greške.

Komisija je izvršila uvid u osnovni ugovor zaključen sa ponuđačem, te ugovore koji za predmet imaju slične radove, te su stručna tehnička lica Komisije mišljenjem broj 02/12-19-22907/24 od 17.10.2024. godine konstatovala da su sve jedinične cijene u skladu sa osnovnim ugovorom i trenutnim tržišnim cijenama.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14, 59/22 i 50/24), odlučeno je kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije



**DOSTAVITI:**

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik  
mr. Semir Efendić

02/17